

唐  
音  
統  
籤

戊籤餘四十六

至五十  
三同卷

唐音統籤卷八百一

黃損字益之連州人積學工詩賦嘗遇鄭都官谷  
與定詩格登梁龍德二年進士第歸自洛京適廣  
州與梁絕乃仕南漢劉龔累官尚書僕射取湖南  
諸路多其策所譔有桂香集粵志今存詩四篇

### 公子行

春草綠綿綿驕驂駛緩鞭微風飄樂韻半日醉花  
邊打鵲拋金盞招人舉玉鞭田翁與鷺婦平地看  
神仙

### 讀史

逐鹿走紅塵炎熾火轉新象肥生壽子國霸有餘  
臣帝道雲龍合民心草木春須知煙閣上一半老  
儒真

出山吟

來書初出白雲扃乍躡秋風馬走輕遠近留連分  
岳色別離嗚咽亂泉聲休將巢許爭喧雜自共伊  
臯論太平昨夜細看雲色裏進賢星座甚分明

書壁

東坡云虔州布衣賴仙芝言損未老退  
歸一日忽遁去莫知所在子孫畫像事

之凡三十三年乃歸坐昨潛上呼家人其  
子不在孫出見之索筆書壁上云云投筆  
而去不可留子歸問其狀貌云  
甚似影堂中人損蓋未嘗滅也

一別人間歲月多歸來人事已銷磨惟有門前鑑  
池水春風不改舊時波

與賀知章還鄉詩  
多同此必有偽

句

機關纔運動勝敗便相隨

以下並吟  
忽遇南遷

忽遇南遷

客若爲西入心往來三島近活計一囊空三

通明主詔一片白雲心掃地待明月踏花迎野

僧水謫彭澤濶山憶武陵深金鐙冷光風宛

轉錦袍紅潤雨霏微高齊日月方爲道動合乾

坤始是心傍水野禽通體白近陽山果半邊紅

零陵總記云淡塘在永州北三十里其水有九十  
九源昔有居人文潭好農務穀乃桑塘以灌田百

姓利之立碑紀其功霸國時碑簡在唐中興初黃損爲永州團練副使以爲別業有詩云云

而今世上多離別莫向相思樹下啼

鴈鵲詩話云相思

樹花圓而紅狀甚佳昔有人北望于邊其妻追思之泣于樹下而卒因號相思樹損詩蓋取其意也

戊籤餘四十七

徐仲雅其先秦中人徙居長沙事馬氏爲昭順軍

觀察判官希範開天冊府以爲學士有清才性好

滑稽與李宏臯劉昭禹齊名所業百餘卷行世

雅言

雜今存詩六篇

按諸家小說仲雅或稱爲東野並云天策學士其詩亦多同考五代

史補馬氏天策府學士共十八人備記官閥姓名止有仲雅而無東野其爲一人似無疑者茲合其

詩爲編而仍注東野名於篇下備考都閣雅談云馬希範作嘉宴堂仲雅獻詩十首時稱冠絕

詩話云仲雅李九皋俱善詩徐詩富艷李多用事  
謂徐曰若詩如女人善調脂弄粉徐曰公如齋冥  
罷但祭盞  
死人物耳

### 畊夫謠

張緒逞風流王衍事輕薄出門逢畊夫顏色必不  
樂皮膚如玉潔力拘絲不拆半日無畊夫此輩忽  
餓殺

### 贈齊已

五代史補  
作徐東野

我唐有僧號齊已未出家時宰相羅愛見夢中逢  
武丁毀形自學無生理骨瘦神清風一襟松老霜  
天鶴病深一言悟得生死海芙蓉吐出琉璃心悶

見有唐風雅缺敲破氷天飛白雪清塞清江却有  
靈遺魂泣對荒郊月格何古天工未生誰知主泚  
池鑿開雞子黃散作純風如膽苦意何新織女星  
機挑白雲真宰夜來調暖律聲聲吹出嫩青春調  
何雅澗底孤松秋雨洒嫦娥月裏學步虛桂風吹  
落玉山下語何奇血潑乾坤龍戰時祖龍跨海日  
方出一鞭風雨萬山飛已公已公道如此浩浩靈  
中如獨自一簾松風冷如氷長伴巢山伸脚睡

贈江處士

玉壺清話云天策學士擅文章名者推東野及李宏阜然詩皆渾脫

輕艷鉛華歌舞一時尊祖  
閒語獨東野此篇爲可采

門在松陰裏山僧幾度過藥靈丸不大基妙子無  
多薄霧籠寒徑殘風戀綠蘿金烏兼玉兔年幾柰  
公何

東華觀偃松

零陵縣志云東華觀在邵州城下江寧有松偃亞數枝凡八面

上有一枝中折松在半樹間復生垂下歸  
壇遊人以手扳而撼之則千萬枝皆動東  
野坐事謫居下縣見其魁異賞詭無已因  
爲詩并序畧云搖一枝則萬枝動看一面  
則八面同白犬出其根青羊入其腹漢  
高祖琥珀枕虛黃君茯苓人疑其孕也

半已化爲石有靈通碧湘生逢堯雨露老值漢風  
霜月滴蟾心水龍遺胸骨香鹿于毫末後曾見幾  
興亡



咏樓樹

馬氏亡後仲雅傷于凍餒周行逢聞其名召為節度判官後杵其意去職

退居山寺為此咏蓋怨行逢而發也

葉似新蒲綠身如亂錦纏任君千度剝意氣自衝天

宮詞

內人曉起怯春寒輕揭珠簾看牡丹一把柳絲收不得和風搭在玉欄杆

句

屋面盡生人耳朵籬頭多是老翁鬚

開

平分造

化雙苞去拆破春風兩面開

合歡牡丹

雲路半開千

里月洞門斜掩一天春

馬希範夜宴迎西儀夫人

鑿開青帝

春風國移下姮娥夜月

馬殷明月園野客叢談

珠璣影

冷偏粘草蘭麝香濃都損花

五代史馬希範性奢侈作會春園爲費鉅

萬湘湖故事云會春園開宴徐東野作詩有數聯爲當時所稱

山色遠堆羅黛

雨草梢春蔓麝香風

衰蘭寂寞含愁綠小杏妖

嬌弄色紅

旁搜水脉湘心滿遍揭泉根楚底通

水

滴殘青

瘦石脂傾盡白雲空

深浦送

回芳草日急灘牽斷綠楊風

藕槽逆入銀塘裏

蘋迹潛來玉井中

敗菊籬踈臨野渡落梅村冷

隔江楓

剪開淨澗分苗稼劃破漣漪下釣筒

戊籤餘四十八

李宏臯

一名臯一各九臯

唐末八座善夷之子善夷左遷

武陵而沒宏臯因事湖南爲天策學士官至刑部

侍郎後馬氏兄弟結隙見害集二卷

宋志

今存詩一

篇

### 題桃源

山翠參差水渺茫秦人昔在楚封疆當時避世乾  
坤窄此地安家日月長草色幾經壇杏老岩花猶  
帶澗桃香他年倘遂平生志來着霞衣侍玉皇  
戊籤餘四十九

南署天策府學士嚴州刺史集一卷

唐志無宋志  
有但紀事云

心求之必獲其寶

今存詩九篇

盡日行方半諸山直下看白雲隨步起危徑極天

盤龍橋形小溪邊店影寒往來空太息玄鬢改

非難

常記遊靈境道人情不低巖房客偃息天路許相

鴈霞散曙峰外虹生涼瀑西何當塵役了重去聽  
猿啼

冬日暮國清寺留題

天台山下寺冬寒其景如屏樹密風長在年深像有  
靈高鐘疑到月遠燒欲連星因其真僧話心中萬  
慮寧

靈溪觀

鼇海西邊地宵吟最爽寬雲開孤月上瀑噴一山  
寒人異髮常綠草靈秋不乾無由此棲息魂夢在  
長安

懷華山隱者

先生入太華杳杳絕良音秋夢有時見孤雲無處  
尋神清峰頂立衣冷瀑邊吟應笑千名者六街塵  
土深

贈惠律大師

秋是憶山日禪窓露洒餘幾懸華頂夢應寄沃洲  
書風月資吟筆杉篁籠靜居滿城誰不重見着紫  
衣初

經費冠卿舊隱

節高終不起成戀九華山聖主情何切孤雲性本

聞名傳中國外墳在亂松間依約曾棲處斜陽鳥  
自還

聞蟬

一雨一番晴山林冷落青  
暮殘日噪正在異鄉  
聽孤館宿漳浦扁舟離洞庭  
年年當此際那免  
凋零

送休公歸衡

草履初登南嶽船銅瓶猶貯北山泉  
衡陽舊寺春歸晚門鎖寒潭幾樹蟬

句

句向夜深得心從天外歸

紀事

危樓聊側耳高柳

又鳴蟬

秋日登樓吟窓雜錄

蘇色圍波井花陰上竹樓

以下

見蘇錄

對面雷噴樹當街雨趁人

夏雨

春光懷

玉闕萬里起初程

送人

江上呼風去天邊挂席飛

送人舟行

漆燈等黑洞之字上危峰

送人遊九疑

戊籤餘五十

廖匡圖字贊禹虔州人文學博瞻為時輩所服湖

南馬氏辟幕下為天策府學士與劉昭禹李宏舉

徐仲雅蔡昆韋隅釋虛中齊已俱以文藻知名相

唱和有集行世

唐志無米志有卷又編家集一卷三楚新錄云匡圖初自韶陽舉



族奔馬殷部曲隨至者數千人殷以其豪而衆多將拒而不納或諫之因命爲永州刺史具陳南越可取殷命之往擊拔桂管十八城五代史殷開天策府以匡圖等十八人爲學士希範繼立好學善詩文匡圖與徐仲雅等皆得幸然皆浮薄之徒飲博歡呼無所規正匡圖諸書或作光圖正圖又有止稱圖者意後人避宋祖諱有改也今存詩三篇

九日陪董內召登高

祝融峰下逢嘉節相對那能不懷禪  
煙裏共尋幽  
欄菊樽前俱是異鄉人遙山帶日應連越孤雁來時想別秦自古登高盡惆悵茱萸休笑淚盈巾

贈家陵上人

暫把枯藤倚壁根禪堂初創楚江濱  
直疑松小難

留鶴未信山低住得雲草接寺橋半笛近日街村  
樹鳥行分每來共憶曾遊處萬壑泉聲絕頂聞

和人贈沈彬

冥鴻跡在煙霞上燕雀誇大厦巢名利最爲浮  
世重古今能有幾人拋逼真但使心無着混俗何  
妨手強抄深喜卜居連岳色水邊竹下得論交

句

正悲世上事無限細看水中塵更多

永州江干感興

曾

於西晉封中散又向東吳作大夫

松

並今窓雜錄

戊籤餘五十一

廖凝

本名匡凝後人避宋諱去匡字

字熙績圖之弟初歸湖南隱

衡岳後與馬希萼同遷金陵授水部員外郎出為

建昌令終江州團練副使善吟諷與李建勳為詩

友相善江左學詩者多造其門集七卷

宋志

今存詩

三篇

五代史補凝為人不能好飲諸嘗覽裴說經杜甫墓詩擬拙孤墳被重教大雅生曰說乃

劫墳賊耶聞者皆笑及在江州盛暑常患體燥以一大桶盛冷水坐其中其簡率如此

中秋月

南郡新書云世以此及聞彈二律為絕唱

九十日秋色今宵已平分孤光含列宿四面絕纖

雲衆木排疎影寒流疊細紋遙遙望丹桂心緒正

紛紛

聞蟬

聲初應候萬木已西風偏感異鄉客先於離塞  
鴻日斜金谷靜雨過石城空此處不堪聽蕭條千  
古同

彭澤解印

五斗徒勞謾折腰三年兩鬢爲誰焦今朝官滿重  
歸去還挈來將舊酒瓢

句

滿汀鷗不散一局黑全輸

十歲錄白 韓偓雅談云作者見之日必垂名

後于獵回千帳雪探密大河冰

以下並吟 落盡

最高樹始知松栢青

落葉

飯僧春嶺蕨醒酒雪潭

魚

贈史虛白

風清竹閣留僧宿雨濕莎庭放吏衙

宰彭

作

紅躡鴈繁金殿暖碧芙蓉集水宮秋

錦繡萬花谷

以籤餘五十二

韋鼎朝前人壽夢匡圖俱知者讀一卷

宋志

今存一

篇

謝夢覺

將樂人南齊

君與白雲鄰生涯久忍貧姓名高雅道寰海許何人  
岳氣秋來早亭寒果落新幾回吟石畔孤鶴自相親

戊籤餘五十三

孫光憲字孟文陵州人自號葆光子好學博通經

史王衍降唐避地荆南高從誨辟掌書記歷檢校

秘書兼御史大夫後高繼沖獻地入宋其謀也詩

文集五十餘卷

宋志有荆臺集四十卷紀通詩十卷華湖編今并仁文撰止

止有華湖編今并仁文撰止

今詩七篇

三楚新錄

南自負文學以諸侯幕府不足展其才用快快不

得志嘗舉劉禹錫一生不得文章力百口空爲飽

煖家吟諷自饒宋欽

竹枝詞二首

門前春水白蘋花岸上無人小艇斜商女經過江

欲暮散拋殘食飼神鴉

亂繩千結絆人深越羅萬丈表長等楊柳在身垂  
意緒藕花落盡見蓮心

楊柳枝詞四首

閨門風暖落花乾飛遍江城雪不寒獨有晚來臨  
水驛間人多凭赤欄干

有池有榭即濛濛綠陰翻成長養功恰似有人長  
點檢著行排立向春風

根柢雖然傍濁河無妨終日近笙歌氍毹金帶誰  
堪比還其黃鶯不較多

萬株枯槁怨亡隋似弔吳臺各自垂  
好是淮陰明月裏酒樓橫笛不勝吹

採蓮

菡萏香連十頃陂  
小姑貪戲採蓮遲  
晚來弄水船頭濕  
更脫紅裙裹鴨兒

句

曉厨烹淡菜春杼種橦花

和南越詩 尤憲自云初不知淡菜何物用之

後半餘林見而絕倒方知非雅物不可用也學學之流當以斯爲戒



戊籤餘五十四

唐音統籤卷八百二

翁承贊字文堯

一作饒

建安人乾寧二年第進士擢

宏詞科任京兆府叅軍天祐元年以右拾遺受詔

冊王審知爲王梁開平四年復爲閩王冊禮副使

尋擢諫議大夫福建鹽鐵副使就加左散騎常侍

御史大夫留相閩卒詩一卷

唐宋志同閩南唐雅云詩集宏詞集二

十卷今多佚又云承贊籍福清徙居蕭田晚年自號狎鷗翁以壽終福唐官舍

晨興

晨起竹軒外逍遙清興多  
早涼生戶牖孤月照關河  
旅食甘藜藿歸心憶薜蘿  
一樽如有地放意且

狂歌

題莒潭安園院

禪宗營祀舍幽異勝珠林名士穿雲訪飛禽傍竹  
吟窓含孤岫影牧臥斷霞陰景福滋閩壤芳名亘  
古今

天祐元年以右拾遺使冊閩王而作

蓬萊宮闕曉光勻紅紫昇麻降紫宸鸞奏八音諧  
律呂鳳銜五色顯絲綸蕭何相印鉤衡重韓信齊  
壇雨露新得侍丹輝官異寵此身何幸沐恩頻。

奉使封王次宜春驛

微宦淹留鬢已斑此心長憶舊林泉不因列土封  
千乘爭得銜恩拜二天雲斷自宜鄉樹出月高猶  
伴客心懸夜來夢到南臺上徧看江山勝往年

漢上登舟憶閩

漢臯亭畔起西風半挂征帆立向東久客自憐歸  
路近笑程不怕酒觴空參差鴈陣天初碧零落漁  
家蓼欲紅一片歸心隨去棹願言指日拜文翁

甲子歲銜命到家至榕城冊封次日閩王降  
旌旗於新豐市堤餞別

登庸樓上方停樂新市堤邊又舉杯正是離情傷

遠別忽聞台旨許重來此時暫與交親好今日還  
將簡冊回爭得長房猶在世縮教地近釣魚臺

奉使封閩王歸京洛

泥緘紫誥御恩光信馬嘶風出洛陽此去願言歸  
梓里預憑魂夢展維桑客程回首瞻文陛驛路乘  
輶憶故鄉指日還家堪自重恩榮畫錦賀封王

文明殿受冊封閩王

龍墀班聽漏聲長竹帛昭勲撲御香鳴佩洞庭辭  
帝主登車故里冊閩王一千年改江山瑞十萬軍  
蒙雨露光吟寄短篇追往事留文功業不尋常

御命歸鄉蒙賜錦衣

九重宣旨下丹墀而對天顏賜錦衣中使擎來三  
殿曉寶箱開處五雲飛德音耳聆君恩重金印腰  
懸已力微更待臨軒陳鼓吹星輶便指故鄉歸

蒙閩王改賜鄉里

鄉名文秀里光賢別向釣台造化權閩閩使因今  
日賁德音兼與後人傳自從受賜身無力向未酬  
恩骨骨鐫歸闕路通心更切不嫌扶病倚旌旃

題景祥院

與徐黃璵瑤院  
詩大同小異

一溪拖碧遶崔嵬瓶鉢宜偏向此隈農罷樹陰黃

懷臥齋時山下白衣來松都往日門人種路是前  
朝釋子開三卷貝多金粟語可能心煉得成灰

喜弟承檢登科

南陽佳句敵瓊瑰憐我三清道路開荆璞獻多還  
得售桂堂恩在敢輕回花繁不怕筆香客榜到應  
傾賀喜杯知爾苦心功業就早攜長策出山來

寄舍弟承裕員外

江花岸草晚萋萋公子王孫思合迷無主園林饒  
採伐忘情鷗鳥恣高低長江月上魚翻鬣荒圃人  
稀獺印蹄何事斜陽再回首休愁離別峴山西

對雨述懷示弟承檢

霏霏霽霽結秋霖欲使秦城歎陸沉曉勢遶回朝  
客馬夜聲滴破旅人心青苔重叠封顏巷白髮蕭  
疎引越吟不有惠連同此景江南歸思幾般深

寄示兒孫

力學燒丹二十年辛勤方得遇真仙便隨羽客歸  
三島旋聽霓裳過九天得路自能酬造化立身何  
必戀林泉予家藥鼎分明在好把仙方次第傳

訪建陽馬驛僧亞齊

瀟瀟風雨建陽溪溪畔維舟訪亞齊一軸新詩創

潭北十年舊識華山西吟覓情向江村  
老空性元知世路迷應笑乘輶青  
鶴客此時無暇聽猿啼

題靈山

井邑斜連北蓬瀛直倚東秋高崑  
溜白日上海波紅

書齋漫興

池塘四五尺深水籬落兩三般  
橫花過客不須頻問姓讀書聲裏是吾家

官事歸來衣雪埋兒童燈火小茅齋  
人家不必論貧富惟有讀書聲最佳



題槐

唐詩曰槐花黃舉子忙故承贊詩云云

雨中粧點望中黃勾引蟬聲送夕陽憶昔當年隨  
計吏馬蹄終日爲君忙

擢進士

霓旌引上大羅天別領新辭意自憐蝴蝶流鶯莫  
先去滿城春色屬羣仙

擢探花使

洪崖差遣探花來檢點芳叢飲數杯深紫濃香三  
百朶明朝爲我一時開

九重煙暖拆槐芽自是昇平好物華今日始知春

氣味長安虛過四年花

探花時節日偏長  
恬淡春風稱意忙  
每到黃昏醉  
歸去紵衣惹得牡丹香

辭闕王歸朝寄倪先輩

時人莫訝再還鄉  
簡冊分明劍佩光  
駟馬高車太  
常樂登庸門下憶賢良

題故居

一爲鷺子二蓮花  
三望青湖四石斜  
惟有嶺湖居  
第五山前却是宰臣家

句

煙蘿况逼神仙窟丹竈還應許獨尋

贈黃璞  
福州志

卷終

戊籤餘五十五

唐音統籤卷八百三

徐寅

或作寅從碑本作寅

字昭夢莆田人中和元年進士

第官秘書正字依王審知幕府歸老延壽溪卒詩

六卷

唐志無宋志探龍釣磯二編共五卷閩志寅初謁朱全忠誤犯其諱恐不得脫乃作過

太原賦以獻其畧曰千金漢將威精鯁以神交一眼胡奴望英風而膽落全忠大喜遺絹五百疋全忠自言夢見淮陰侯受兵法一眼胡奴指李克用也後審知禮待簡略拂衣歸隱五代史補以爲莊宗代衆審知遣使入洛莊宗語使徐寅指斥先帝何以客之使回具言之故審知即日絕寅史補又云黃滔與寅同事審知一日審知餽滔魚滔方與寅對談請寅代爲謝賤援筆而成其略曰所諸斷才從羊續懸來列在瑤盤餽劉馮讓食處時人天稱之

五言律詩

青遊

青遊紅杏苑今隱刺桐村歲計懸僧債科名負國  
恩不書厥漸穉頻鐫髣無根惟有經邦事年年志  
尚存

北山秋晚

十載衣裘盡臨寒隱薜蘿心閒緣事少身老愛山  
多玉露催收菊金風促剪禾燕秦正戎馬林下好  
婆娑

旅次寓題

胡爲名利役來往老關河白髮隨梳少青山入夢

多途窮憐抱疾世亂耻登科却起漁舟念春風釣  
綠波

題南寺

久別猿啼寺流年劫逝波舊僧歸塔盡古瓦長松  
多壁蘚昏題記窓螢散薜蘿平生英壯節何故旋  
消磨

題僧壁

香厨流瀑布獨院鏤孤峰紺髮青螺長文茵紫豹  
重卵枯皆化燕窠老却成蜂明月留人宿秋聲夜  
著松

河流

洪流盤砥柱淮濟不同波莫訝清時少都緣曲處  
多遠能通玉塞高復接銀河大禹成門嶮爲龍始  
得過

釣臺

金門誰奉詔碧岸獨垂鈎舊友祇樵叟新交惟野  
鷗嘉名懸日月深谷化陵丘便可招巢父長川好  
飲牛

和人經隋唐間戰處

孤軍前度戰一敗一成功卷旆早歸國臥屍猶臂

蹤鑽骨神明應酬恩感激重仙翁求一卦何日脫  
龍鍾

銀結條冠子

日下徵良匠宮中贈阿嬌瑞蓮開二朶瓊縷織千  
條蟬翼輕輕結花紋細細挑舞時紅袖舉纖影透  
龍綃

酒胡子

紅筵綠竹合用爾作歡娛直指寧偏黨無私絕覲  
覲當歌誰環袖應節漸輕軀恰與真相似璚裘滿  
領鬚



香鴨

不假陶鎔妙誰教羽翼全五金池畔質百和口中  
煙鶩鈍魚難啄心空火自燃御爐如有闕須進聖  
君前

五言排律

依溫飛卿華清宮二十二韻

地靈蒸水暖天氣待宸遊嶽拱蓮花秀峰高玉蕊  
秋朝元雕翠閣乞巧繡瓊樓碧海供驪嶺黃金絡  
馬頭五王更入帳七貴迭封侯夕雨鳴鴛瓦朝陽  
暉柘裘伊臯爭負鼎舜禹讓垂旒墮珥閒應拾遺

釵醉不收飛煙鳴劍戟殘月照旌旂履朔求衣早  
臨陽解佩羞宮詞裁錦段御筆落銀鈎帝里新豐  
縣長安舊雍州雪衣傳貝葉蟬髻挿山榴對景瞻  
瑤兎昇天駕綵虬此言遊月宮羽書陳北虜玄甲擐犀  
牛聖詰多屯否生靈少怨尤寧旻當有輔帷幄豈  
無籌鳳態傷紅豔鸞輿緩紫騮樹名端正在人欲  
夢寬休識語山傍鬼塵銷隴畔丘重來芳草恨往  
事落花愁五十年鴻業東憑渭水流

東風解凍省試

暖氣飄瀟末凍痕消水中扇冰初覺泮吹海旋成

空入律三春照朝宗萬里通岸分天影濶色照日  
先融波起搖輕綠鱗遊乍躍紅股勤排弱羽飛翥  
趣和風

尚書命題瓦硯

遠向端溪得皆因郢匠成鑿山青靄斷琢石紫花  
輕散墨松香起濡毫藻句清入臺知價重著匣恐  
塵生守黑還全羅臨池早著名春闈攜就處軍幙  
載將行不獨雄文陣兼能助筆耕莫嫌涓滴潤深  
染古今情洗處無瑕玷添時識滿盈蘭亭如見用  
敲爻有金聲

釣絲竹

藿藿拂清流堪維舴艋舟野蟲懸作餌溪月曲爲  
鈎雨潤搖堦長風吹繞指柔若將諸樹比還使綠  
楊羞蠶婦非堯女漁人是子猷湖邊舊栽處長映  
讀書樓

和僕射二十四丈牡丹八韻

帝王城裏看無故亦無新忍摘多緣借移栽未有  
因光陰嫌太促開落一何頻羞殺登牆女饒將解  
佩人葢堪靈鳳啄香許白龍親素練籠霞曉紅粧  
帶臉春莫辭終夕醉易老少年身買取歸天上寧

散逐世塵

卷終

戊籤餘五十五徐夤之二 唐音統籤卷八百四

七言律詩一

公子行

十五轅門學控弦六街騎馬去如煙金多倍着牡  
丹價髮白未知章甫賢有耳不聞經國事拜官方  
買謝恩牋相如謾說凌雲賦四壁何曾有一錢

漢宮新寵

位在嬪妃最上頭笑他長信女悲秋日斜月滿可  
能久花落色衰殊未憂宮主鏡中爭翠羽君王袖  
裏奪金鈎妾家兄弟知多少恰要同時拜列侯

上陽宮詞

點點苔錢上玉墀日斜空望御樓西  
粧臺塵暗青鸞掩宮樹月明黃鳥啼  
庭草可憐分雨露君恩深恨隔雲泥  
銀蟾借與金波路得入重輪伴昇妻

開元卽事

曲江真宰國中訛尋奏漁陽忽荷戈  
堂上有兵天不用幄中無策印空多  
楊國忠時兼諸使節三十二課印塵驚騎  
透潼關鎖雲護龍遊渭水波未必蛾眉能破國  
千秋休恨馬嵬坡

華清宮

弓草間腥半在沙上血殘紅傷魄何爲者五湖垂釣翁

追和常建歎王昭君

紅顏如朔雪日燦忽成空淚盡黃沙雨塵消白草  
風君心爭不悔妾恨竟何窮願化南飛燕年年入  
漢宮

贈嚴司直

承家居闕下避世出關東有酒劉伶醉無兒伯道  
窮新新吟閣賞舊業釣臺空雨雪還相訪心懷與  
我同



贈董先生

壽歲過於百時閒到上京餐松雙鬢嫩絕粒四肢  
輕雨雪思中嶽雲霞夢赤城來年期受籙何處待  
先生

贈東方道士

葫蘆窓畔挂是物在其間雪色老人髭桃花童子  
顏祭星秋卜日採藥曉登山鶴放長生鹿時銜瑞  
草還

平崔補闕

近來吾道少慟哭博陵君直節巖前竹孤鳬嶺上

雲縉紳傳確論丞相取遺文廢却中興策何由免  
用軍

弔赤水李先生

三年悲過隙一室類消冰妻病入仙觀子窮隨嶽  
僧荒丘寒有雨古屋夜無燈往日清猶著金門幾  
欲徵

蜀葵

劍門南面樹移向會仙亭錦水饒花豔岷山帶葉  
香香文君慚婉婉神女讓娉婷爛熳紅兼紫飄香入  
繡幃

雞

名參十二屬花入羽毛深守信催朝日能鳴送曉  
陰裁冠裝瑞壁利爪削黃金徒有稻粱感何由報  
德音

白鴿

舉翼凌空碧依人到太邦粉翎棲畫閣雪影拂瓊  
窓振鷺堪爲侶鳴鳩好作雙狎鷗歸未得覩爾憶  
晴江

龜

行止竟何從深溪與古峰青荷巢瑞質綠水返靈

十二瓊樓鑲翠微暮霞遺却六銖衣桐枯丹穴鳳  
何去天在鼎湖龍不歸簾影罷添新翡翠露華猶  
濕舊珠璣君王冤斷驪山路且向蓬瀛伴貴妃

再幸華清宮

腸斷將軍改葬歸錦囊香在憶當時年來却恨相  
思樹春至不生連理枝雪女塚頭瑤草合貴妃池  
裏玉蓮衰霓裳舊曲飛霜殿夢破冤驚絕後期

李翰林

謫下三清第幾班獲調羹鼎侍龍顏吟開瑣闥窺  
天近醉臥金鑾待詔閒舊隱不歸劉備國旅冤長

寄謝公山遺編往簡應飛去散入祥雲瑞日間

聞長安庚子歲事

羽檄交馳觸冕旒函關飛入鐵兜鍪皇王去國未  
爲恨寰海失君方是憂五色大雲凝蜀郡幾般妖  
氣撲神州唐堯縱禪乾坤位不是重華莫漫求

詠懷

愁花變出白髭鬚半世辛勤一事無道在或期君  
夢想貧來爭柰鬼揶揄馬卿自愧長嬰疾顏子誰  
憐不是愚借取秦宮臺上鏡爲時開照漢妖狐

偶吟

千卷長書萬首詩朝蒸藜藿暮烹葵清時名立難  
皆我晚歲途窮亦問誰碧岸釣歸惟獨笑青山耕  
徧亦何爲尋常抖擻懷中策可便降他兩鬢絲

偶書

巧者多爲拙者資良籌第一在乘時市門逐利終  
身飽谷口躬耕盡日饑瓊玖鬻來燕石貴蓬蒿芳  
處楚蘭衰高皇冷笑重瞳客蓋世拔山何所爲

偶題

聞補亡書見廢興偶然前古也填膺秦宮猶自拜  
張祿楚幕不知留范增大道豈全關曆數雄圖強

半屬賢能燕臺財力知多少誰築黃金到九層

寓題

酒壺棋局似閒人竹笏藍衫老此身託客買書重  
得卷愛山移宅近爲鄰燕蛩閣上風吹病落葉庭  
中月照貧兒說天池波浪濶也應涓滴濺窮鱗

寓題述懷

大道真風早晚存妖訛成俗汗乾坤宣尼旣沒蘇  
張起鳳鳥不來雞鵲喧蕩少可能供驥子草多誰  
復訪蘭蓀堯庭忘却徵元凱天闕重開十二門

退居

鶴舍松心合在山五侯門館怯趨攀三年臥病不能免一日受恩方得還明月送人沿驛路白雲隨馬入柴關笑他范蠡貪憊甚相罷金多始退閒

閉門

閉却閒門臥竹房更何人與療膏肓一生有酒唯知醉四大無根可預量骨冷欲針先覺痛肉頑頻炙不成瘡漳濱伏枕文園渴盜跖縱橫似虎狼

招隱

商髮邴能敵歲華早知休去避塵沙鬼神只闕高明里倚伏不干棲隱家陶景豈全輕組綬留侯非



獨愛煙霞贈君吉語堪銘座看取朝開暮落花

溪隱

將名將利已無緣深隱清溪幾學仙絕却腥羶勝  
服藥斷除杯酒合延年蝸牛殼滿寧同舍榆莢花  
開不是錢鸞鶴久從籠檻閉春風却放紙爲鳶

開窓

閉戶開窓寢又興三更時節也如水長閒便是忘  
機者不出真如結夏僧環堵豈慚蝸作舍布衣寧  
假鶴爲翎東薔薇花盡薰風起綠葉空隨滿架藤

酒醒

酒醒欲得適閒情騎馬邯鄲策杖行天暖天寒三  
月暮溪南溪北兩川名沙澄淺水魚知釣花落平  
田鶴見耕望斷長安故交遠來書未說九河清

勸酒

休向尊前慙羽觥百壺清酌與君傾身同綠樹年  
年老事比紅塵日日生六國英雄徒反覆九原松  
栢甚分明醉鄉路與乾坤隔豈信人間有利名

斷酒

因論沉湎覺前非便碎金罍與羽卮採茗早馳三  
蜀使看花甘負五侯期窓間近火劉伶傳坐右新

銘管仲辭此事十年前已說匡廬山下老僧知

夢斷

夢斷紗窓半夜雷別君花落又花開漁陽路遠書  
難寄衡嶽山高月不來玄燕有情巢繡戶靈龜無  
應祝金杯人生若得長相對螢火生煙草化灰

鬢髮

鬢添華髮數莖新羅雀門前絕故人減食爲緣疎  
五味不眠非是守庚申深園綠竹齊抽笋古木青  
蛇自脫鱗天地有爐長鑄物濁泥遺塊待陶鈞

綠鬢

綠鬢先生自出林孟光同樂野雲深躬耕爲食古  
人操非織不衣賢者心眼衆豈能分瑞璧舌多須  
信爍良金君看黃閣南遷客一過瀧州絕好音

人事

人事飄如一炷煙且湏求佛與求仙豐年甲子春  
無雨良夜庚申夏足眠顏氏豈嫌瓢裡飲孟光非  
取鏡中妍平生計何爲者三逕蒼苔十畝田

龍螫

龍螫蛇蟠却得伸和光何惜且同塵伍員豈是吹  
簫者冀缺非同執耒人神劍觸星應變化良金成

繩在陶鈞穰侯休忌關東客張祿先生竟相秦  
休說雄才間代生到頭難與運相爭時通有詔徵  
枚乘世亂無人薦襦衡逐日莫矜駑馬步司晨誰  
要牝雞鳴林中且作煙霞侶塵滿關河未可行

草木

草木無情亦可嗟重開明鏡照無涯菊英空折羅  
含宅榆莢不生原憲家天命豈憑醫藥石世途還  
要辟蟲沙仙翁乞取金盤露洗却蒼鬚華

休說

休說人間有陸沈一樽閒待月明斟時來不怕滄

溟濶道大却憂潢潦深白首釣魚應是分青雲干  
祿已無心梓桐賦罷相如隱誰爲君前永夜吟

嘉運

嘉運良時兩阻脩釣竿蓑笠樂林丘家無寸帛渾  
閒事身似浮雲且自由庭際鳥啼花旋落潭心月  
在水空流晨炊一箸紅銀粒憶着長安索米秋

潤屋

潤屋豐家莫妄求眼看多是與身讐百禽羅得皆  
黃口四皓山居始白頭玉爍火光爭肯變草芳崎  
岸不曾秋朱門粉署何由到空寄新詩謝列侯

驕侈

驕侈陷危儉素牢鏡中形影豈能逃石家恃富身  
還滅顏子非貧道不遭蝙蝠亦能知日月鸞凰那  
肯啄腥臊古今人事惟堪醉好脫霜裘換綠醪

不把魚竿

不把魚竿不灌園策筇吟遶綠蕪村得爭野老眠  
雲樂倍感閩王與善恩鳥赴竹風穿靜戶魚吹煙  
浪噴晴軒何人買我安貧趣百萬黃金未可論

逐臭蒼蠅

逐臭蒼蠅豈有爲清蟬吟露最高奇多藏苟得何

名富飽食嗟來未勝饑窮寂不妨延壽考貪在總  
待筭毫釐首陽山翠千年在好奠冰壺弔伯夷

嵐似屏風

嵐似屏風草似茵草邊時贈錦花鱗山中宰相陶  
弘景谷口耕夫鄭子真宦達到頭思野逸才多未  
必笑清貧君看東洛平泉宅只有年年百卉春

十里煙籠

十里煙籠一徑分故人迢遞久離羣白雲明月皆  
由我碧水青山可贈君浮世宦名渾似夢半生勤  
苦謾爲文北邙坡上清松下盡是鏘金佩玉墳



古往今來

古往今來恨莫窮不如沈醉臥春風  
雀兒無角長穿屋鸚鵡能言却入籠  
柳惠豈嫌居下位朱雲直去捐三公  
閒思郭令長安宅草沒匡牆舊事空

日月無情

日月無情也有情朝昇夕沒照均平  
雖催前代英雄死還促後來賢聖生  
三尺靈烏金借耀一輪飛鏡水饒清  
憑誰築斷東溟路龍影蟾光免運行

詠寫真

寫得衰容似十全閒開僧舍靜時懸  
瘦于南國從

軍日老却東堂射策年  
潭底看身寧有異鏡中引  
影更無偏借將前輩真儀比  
未愧金鑾李謫仙

失題

舊本題作  
鴻門疑誤

耨月耕煙水國春薄徒應笑作農人  
皇王尚法三  
推禮白社寧忘四體勤  
雨灑蓑衣芳草暗  
鳥啼雲  
樹小村貧猶勝墮力求殮者五斗低腰走世塵

卷終

戊籤餘五十五徐夤之三 唐音統籤卷八百五

七言律詩二

客廳

移却松筠致客堂  
淨泥環堵貯荷香  
衙茅只要免風雨  
藻梲不須高棟梁  
豐蔀仲尼時演易  
作歌五子恨雕牆  
燕臺漢閣王侯事  
青史千年播耿光

茆亭

鴛瓦虹梁計已疎  
纖茅編竹稱貧居  
剪平恰似山僧笠  
掃淨真同道者廬  
秋晚捲簾看過雁  
月明憑檻數跳魚  
重門公子應相笑  
四壁風霜老讀書

新葺茅屋

二首

翦竹誅茆就水濱靜中還得保天真只聞神鬼害  
盈滿不見古今爭賤貧樹影便爲廊廡屋草香權  
當綺羅茵堦前一片泓澄水借與汀禽活紫鱗  
耨水耕山息故林壯圖嘉話負前心素絲髻上分  
愁色絡緯床頭和苦吟筆硯不才當付火方書多  
誑罷燒金同年二十八君子遊楚遊秦斷好音

新屋

耳順何爲土木勤叔孫牆屋有前聞縱然一世如  
紅葉猶得十年吟白雲性逸且圖稱野客才難非

敢傲明君清甜數尺沙泉井平與鄰家晝夜分

北園

北園乾葉旋空枝蘭蕙還將衆草衰籠鳥上天猶  
有待病龍興雨豈無期身閒不厭頻來客年老偏  
憐最小兒生事罷求名與利一窓書策是年支

門外閒田數畝長有泉源築直堤分爲兩沼  
左右澄漪小檻前直堤高築古平川十分春水雙  
簷影一片秋空兩月懸前岸好山搖細浪夾門嘉  
樹合晴煙坐來暗起江湖思速問溪翁買釣船

溫陵卽事

早年師友教爲文賣却漁舟網典墳國有安危期  
日諫家無擔石暫從軍非才豈合攀丹桂多病猶  
堪伴白雲爭得千鍾季生粟滄洲歸與故人分

山中寓居

高臥東林最上方水聲山翠別愁腸白雲送雨籠  
僧閣黃葉隨風入客堂終去四明成大道暫從雙  
鶴許秋霜披緇學佛應無分鶴鵲談空亦不妨

東歸題屋壁

塵埃歸去五湖東還是衡門一畝宮舊業旋從征  
賦失故人多逐亂離空因悲盡室如懸罄却擬攜

家學轉蓬見說高宗天上夢無情曾與傅巖通

郊村獨遊

歲閏堪憐厝候遲出門惟與野雲期驚魚擲上綠  
荷芰棲鳥啄餘紅荔枝末路可能長薄命修途應  
合有良時市頭相者休相戲蹙膝先生半自知

東京次新安道中

賊去兵來歲月長野蒿空滿壞牆匡旋從古轍成  
深谷幾見金輿過上陽洛水送年催代謝嵩山擎  
日拂穹蒼殊時異世爲儒者不見文皇與武皇

西華

五千仞有餘神秀一一排雲上  
次寥疊障出關分  
二陝殘岡過水作中條巨靈廟破生春草  
毛女峰  
高人絳霄拜祝金天乞陰德爲民求主降神堯

將入城靈口道中作

路上長安惟咫尺  
灞陵西望接秦原  
依稀日下分天闕  
隱映雲邊是國門  
錦袖臂鷹河北客  
青桑鳴雉渭南村  
高風九萬程途遠  
與報滄洲欲化鯤

長安述懷

黃河水合尙來遊  
知命知時肯躁求  
詞賦有名堪自負  
春風落第不曾羞  
風塵色裏凋雙鬢  
鼙鼓聲



中歷幾州十載公卿早言屈何須課夏更冥搜

義通里寓居卽事

家住寒梅翠嶺東  
長安時節詠途窮  
牡丹窠小春餘雨  
楊柳絲疎夏足風  
愁鬢已還年紀白  
衰容寧藉酒杯紅  
長卿甚有凌雲作  
誰與清吟送帝宮

寺中偶題

聽話金仙自相毫  
舞來皆得解塵勞  
鶴樓雲路看方貴  
僧倚松門見始高  
名利罷燒心內火  
雪霜偏垢鬢邊毛  
銀蟾未出金烏在  
更上晴樓眺海濤

西寨寓居

二首

閒讀南華對酒杯醉攜筇竹畫蒼苔豪門有利人  
爭去陋巷無權客不來解報可能醫病雀重燃誰  
肯煦寒灰嚴陵萬古清風在好棹清溪詠釣臺  
功智爭馳淡薄空猶懷忠信擬何從鴟鵂啄腐鼠  
雞鳳神鬼欺貧笑伯龍烈日不融雙鬢雪病身全  
仰一枝筇崇侯入輔嚴陵退堪憶啼猿萬仞峰

寄僧寓題

佛頂抄經憶惠休衆人皆謂我悠悠浮生真箇醉  
中夢閒事莫添身外愁百歲付於花暗落四時隨  
却水奔流安眠靜笑思何報日夜焚修祝郡侯

醉題邑宰南塘屋壁

萬古清淮碧繞環  
黃河濁浪不相關  
縣留東道三千客  
宅鎖南塘一片山  
草色淨經秋雨綠  
燒痕寒入曉窓斑  
聞王美錦求賢製  
未許陶公解印還

題泗州塔

十年前事已悠哉  
旋被鐘聲早暮催  
明月似師生  
又沒白雲如客去  
還來煙籠瑞閣僧  
經靜風打虛  
窓佛幌開惟有  
南邊山色在重重  
依舊上高臺

題名琉璃院

與翁承贊景祥  
院大同小異

一條溪遶翠巖隈  
行脚僧言勝五臺  
農罷樹陰黃

犢臥齋時山下白衣來松因往日門人種路是前  
朝釋子開三卷貝多金粟語可能長誦免輪迴

遊靈隱天竺二寺

丹井冷泉虛易到兩山真界實難名石和雲霧蓮  
華氣月過樓臺桂子清騰踏迴橋巡像設羅穿曲  
洞出龍城更憐童子呼猿去颯颯蕭蕭下樹行

塔院小屋四壁皆是卿相題名因成四韻

鴈塔攬空映九衢每看華宇每踟躕題名盡是文  
衡迹滿壁堪爲宰輔圖鸞鳳豈巢荆棘樹虬龍多  
蟄帝王都誰知遠客思歸夢夜夜無船自過湖

題福州天王閣

絕境宜樓獨角仙  
金張到此亦忘還  
三門裏面千層閣  
萬井中心一朵山  
江拍碧灣盤洞府  
石排青壁護禪關  
有時海上看明月  
輾出冰輪疊浪間

春入鯉湖

到來峭壁白雲齊  
載酒春遊渡九溪  
鐵嶂有樓羆欲墮  
石門無鎖路還迷  
湖頭鯉去轟雷在  
樹杪猿呼落日低  
回首浮生真幻夢  
何如斯地傍幽棲

放榜日

喧喧車馬欲朝天  
人探東堂榜已懸  
萬里便隨金

驚鷺三台仍借玉連錢

南海相公此時在京蒙借鞍馬人僕

花浮酒

影彤霞爛日照袍光瑞色鮮十二街前樓閣上捲

簾誰不看神仙

長安卽事三首

拋擲清溪舊釣鉤長安寒暑再環周便隨鷺羽三  
春化只說蟬聲一度愁掃雪自憐窓紙照上天寧  
愧海槎流明時側待金門詔肯羨班超萬戶侯  
無涵窮愁結自舒飲河求滿不求餘身登霄漢平  
時第家得干戈定後書富貴敵期蘇季子清貧方  
見馬相如明時用卽匡君去不用何妨却釣魚

拖紫腰金不要論，便堪歸隱白雲村。  
更無名籍強金榜，豈有花枝勝杏園。  
綺席促時皆國器，羽旆飛處盡王孫。  
高眠亦是前賢事，爭報春闈莫大恩。

### 憶潼關

洞壑雙扉入到初，似從深窅覩高墟。  
天開白日臨軍國，山夾黃河護帝居。  
隋煬遠遊宜不反，奉春長策竟何如。  
須知皇漢能脩鑄，延得年過四百餘。

### 憶潼關早行

行客起看仙掌月，落星斜照濁河泥。  
故山遠處高飛雁，去馬鳴時先早雞。  
關柳不知誰氏種，岳碑猶

見聖君題薊苑十軸僮三尺豈謂青雲便有梯

憶長安行

舊歷關中憶廢興  
僭奢須戒儉須憑  
火光只是燒秦家  
賊眼何曾視灞陵  
鐘鼓煎催人自急  
侯王更換恨難勝  
不如坐釣清溪月  
心共寒潭一片澄

憶長安上省年

忽憶關中逐計車  
歷坊騎馬信空虚  
三秋病起見新鴈  
八月夜長思舊居  
宗伯帳前曾獻賦  
相君子下再投書  
如今說着猶堪泣  
兩宿都堂過歲除

憶山中友



憶得當年接善鄰  
苦將閒事強夫君  
關開碧沼分  
明月各領青山占  
白雲近日藥方多  
繕寫舊來詩  
草半燒焚金門幾  
欲言西上惆悵關河正用軍

憶薦福寺南院

憶昔長安落第春  
佛宮南院獨遊頻  
燈前不動惟  
金像壁上曾題盡  
古人題題聲中雙闕雨  
牡丹花  
際六街塵啼猿溪上將歸去  
合問昇平詣秉鈞

憶舊山

澗竹岩雲有舊期  
二年頻長髯邊絲遊魚不愛金  
杯水棲鳥敢求瓊樹枝  
陶景戀深松檜隱留侯拋

却帝王師龍爭虎攫皆閒事數疊山光在夢思